

Istočno Sarajevo, 16.06.2018. godina

Poštovani/e,

Planinarsko društvo Javorina četvrtu godinu zaredom organizuje trku **Jahorina Ultra Trail** za čije održavanje je ključna ljudska snaga i želja da se organizacija ovakvog događaja podrži kroz volontiranje (više o volontiranju možete pročitati na drugoj stranici).

Ako za nas niste čuli do sada, ovo su neke činjenice o Jahorina Ultra-Trailu:

- Organizuje se pod pokroviteljstvom gradonačelnika Istočnog Sarajeva, opštine Pale, Istočno Novo Sarajevo i Istočni Stari Grad su nam partneri a manifestacija ima status organizacije od značaja za Republiku Srpsku;
- Odvija se na stazama u prirodi ukupne dužine 130 km;
- Na trećem izdanju trke zabilježen je porast u broju učesnika od 43%;
- Postali smo respektabilna trka u Regionu s preko 400 trkača od čega su 33% žene.

Jahorina Ultra-Trail je više od sportske manifestacije. To je projekat koji ima za cilj:

- ✓ Promociju naših planina kao destinacija poželjnih za aktivnosti na otvorenom;
- ✓ Promociju rekreacije i sportova na otvorenom;
- ✓ Održivi razvoj lokalnih zajednica kroz fitnes turizam;
- ✓ Zaštitu i očuvanje životnog okruženja.

Učeni iskustvom organizatora ovakvih takmičenja u Hrvatskoj, Mađarskoj, Italiji, Francuskoj ili Turskoj, za naredno izdanje trke okupljamo volontersku bazu koju će činiti zreli ljudi sa životnim iskustvom, snalažljivi i dobri domaćini. Poželjno je da vole prirodu i da se prema njoj odnose odgovorno. Iz tog razloga, obraćamo se svim udruženjima građana s područja Istočnog Sarajeva u cilju animiranja osoba traženog profila s nadom da ćete nam pružiti podršku u organizaciji Jahorina Ultra Traila. Naša ideja je da se oko JUT-a kroz volontiranje okupe i članovi porodica volontera/ki, uključujući tu i prijatelje/ice i bliske osobe s kojima bi rado podijelili/e volontersko iskustvo.

Bilo bi jako lijepo da prosljedite ovo pismo, zajedno s pozivom i detaljima o utrci, svim Vašim članovima/icama, u nadi da će se nekome svidjeti naša aktivnost i da će nam se pridružiti u njenoj organizaciji.

Zahvaljujemo Vam se na čitanju i pažnji kao i pružanju podrške JUT-u kroz distribuciju sadržaja našeg dopisa.

Srdačan pozdrav!
JUT tim

TRI, ČETIRI, START!

Planinari i planinarke na volontiranju

Od 28. do 29.07.2018. godine, planinarsko društvo Javorina organizuje četvrto izdanje trke **Jahorina Ultra-Trail®** koja se održava na stazama koje povezuju **Ravnu planinu, Romaniju i Trebević s Jahorinom**.

Na našem trećem izdanju održanom u julu 2017. godine okupili smo preko 400 trkača/ica iz ukupno 23 zemlje, a ove godine ih očekujemo još više, jer svake godine rastemo. U okviru Jahorina Ultra-Traila organizujemo 4 trke različitih dužina: **Mini** - 14km, **Midi** - 35km, **Maxi** - 70km i **Ultra** - 104 km, a glavni posao volontera/ki je rad na ukupno 15 kontrolnih i okrepnih stanica.

Svih ovih godina volonteri i volonterke su ti/e koji/e svesrdno odvajaju svoje vrijeme i trud u cilju održavanja trke i pružali/e pomoć trkačima i trkačicama da obave svoju „misiju“ i stignu do cilja.

Volonteri/ke mogu biti angažirani tokom sljedećih faza:

1. **Za vrijeme pripreme** (markacija, distribucija startnih paketa, logistika i distribucija hrane); ukupne pripreme traju 5-10 dana tokom mjeseca jula;
2. **Za vrijeme održavanja trke** (rad na okrepnim stanicama, kontrolnim tačkama, prijavama, mjerenju prolaznog vremena, rad u cilju i skidanje markacije).

Napomena: svaki volonter/ka se može prijaviti za jednu ili obje faze.

Ovim putem Vas pozivamo da postanete JUT volonter/ka da zajedničkim snagama uspješno iznesemo i ovo izdanje trke čime doprinosimo našem motu:

Što bolja trka, to bolja promocija naših planina!

I s tom mišlju se obraćamo udruženjima građana, jer nam je želja da oko JUT-a okupimo odgovorne, zrelije osobe koji/e cijene i „žive“ prirodu i sportski duh. **Svi ste dobrodošli/e** bez obzira na starosnu dob i prethodno iskustvo na sličnim poslovima, jer ovakav angažman ne zahtjeva posebne vještine, a JUT tim i već uhodani volonteri/ke će Vam pružiti podršku.

Ove godine nam je potrebno 100 motivisanih, vrijednih, odgovornih i vedrih volontera i volonterki. **10 pozicija je rezervisano za volontere/ke iz drugih zemalja koji će nam i na narednom izdanju biti značajna podrška.**

Šta kao volonter/volonterka dobijate?

- Doživljaj trail trčanja iz druge perspektive (možda Vas i povuče ☺);
- Stvaranje novih prijateljstava;
- Stvaranje pozitivne slike o našoj zemlji;
- Dobru zabavu;
- Dobar osjećaj jer ste dio pozitivnog događaja;
- Volonterski paket (majica, hrana, kuponi za osvježanje, vožnja žičarom, volonterski certifikat).

Više o volontiranju na trkama iz različitih perspektiva, možete pročitati [ovdje](#).

Budite dio Jahorina Ultra-Traila® 2018!

Prijaviti se možete putem [sljedećeg linka](#). Zadnji rok za prijavu je **15.07.2018. godine**, ali, prijavite se što prije da znamo da možemo računati na Vas.

Za dodatne informacije, kontakt osoba je Maja Petek, koordinatorica za volontere/ke,

+387 (0)61 225 207, jut.volonteri@gmail.com, Facebook grupa: „[Volonteri/ke Jahorina Ultra Trail](#)“.

Očekujemo Vas!
JUT Team